

坊塔

平政坊

縣署前

宣化坊

縣署前左

承流坊

縣署前右

澄清坊

縣治東按察司前

世科坊

縣治東

崇信坊

縣前正街

中和坊

縣治南

潤澤坊

縣治南

儒林坊

城南舊學右

文潤坊

城南舊學左

紹芳坊

城南舊學前

集賢坊

縣治西

孝敬坊

縣治北

忠義坊

縣治北武廟巷口

以上十四坊惟忠義坊存

忠勇坊

縣北三十五里為武畧將軍龍受政立

世篤忠貞坊

縣北三十五里為明威將軍龍道泰立

秀甲宜陽坊

縣北十里玉水鋪學使伍讓為武畧將軍王書題

同治常甯志

卷十一

坊塔

恩榮坊

縣西十五里藍江縣紳唐訓方為三代榮封一品及妻劉氏旌表孝行立

善民坊

縣東鹽湖下液保明成化十二年為廖璜輸粟賑饑立縣南大楓隘魯塘為曾文壽立

貞節坊

城北門外為劉恩妻鍾氏立久廢

節孝坊

城西里許為李開美妻周氏立城南學巖上為庠生段昌紀妻鄒氏立城西下街為唐有亮妻吳氏立城西上街為劉登瑛妻詹氏立城南學巖上為陳平心妻詹氏立段紹琨妻黎氏立

五里南風

為庠生唐有相妻詹氏立縣西二十里河洲

山柏妻詹氏立

縣西四十五里桐子坪為生員吳山

縣西二十五里

社下為吳南崇妻江氏立

縣西三十里

升堂灣為王懋功妻吳氏立

節孝總坊

節孝新祠前

節烈坊

縣西南風凹為監生詹顯緝側室姚氏立

孝子坊

城西三里文家橋 旌表孝子李德騫墓上

上吉塔城東二里乾隆四十七年縣紳郭國仰李如桐

尹襄劉經邦白壁黃尊德倡建

崇文塔城南三里插雲峯嘉慶十一年縣紳吳山高王

國曦唐成珀唐先榮吳成楚廖漢章何宗楷倡建

知縣陳夢松記事有可已而不可已而竟已者道場佛刹漆栴丹楹糜其費而不惜此可已而不可已者也興學校創書院以及培植風水往往隔膜不可已而竟已之此其故何哉蓋彼則所有藉以乞靈而此若無所責效於其間也抑知人傑則地靈惟地靈乃益人傑其所關固有甚鉅者常甯為湘東名縣山川奇特遠則衡嶽羶其北九疑峙其南近則天開石榜孕其靈地湧魁星著其勝地之佳也靈之萃也宜其人物美秀而文治日興也顧近科來工文章登賢書者雖不乏人而遊杏林捷春闈者殊少蓋縣之南有雲巖形勢稍低南為離

同治常甯志

卷十二

坊塔

二

離乃文明之象雲巖低則火星缺職是故也然已數十年於茲矣丙寅夏縣紳慨然好義捐費鳩工建寶塔七級於其上與學宮遙對焉縣之西北及東偏舊有上吉文星梯雲三塔規制宏敞高插雲霄惟南獨缺今得是塔而缺者以備美者益彰詎非盛事哉功成而請記於予予惟讀書稽古敦崇實行盡人功以符氣化者多士之奮勉自樹也若夫占地相宜扶靈植秀假氣化以培人材者又闔邑之文運所關也方今聖天子崇儒重道宏育英流海內之士通經者靡不登選矧常甯文教之區而又得是塔以補山川之缺陷行人文煥蔚科甲蟬聯俾荆山以玉而著名渥水以駿而得號較之他邑將有遠勝者是固惟此都人士爭自濯磨而官斯士者實不無厚望云

培元塔城西四里羅漢石同治五年縣紳唐訓方建唐

繩武殿盤監造塔地基張澤清捐

吳奎記邑之南有塔山焉石級層累下盤山躋上入雲霄此固天地自然之元氣融結而成傳者以為阿育王

造其說頗不經要非人力所能為也宜水源此流而下
委折西南過邑之西江門外匯城東北之水於雙江口
奔騰數十里舊無塔形家言邑治文廟前缺一火星宜
建塔以補之嘉慶閒邑人士詢謀僉同於南關外創修
崇文一塔此亦諸先輩扶持文教之力吾邑以白面石
山為水口而距城較遠氣稍游散議者謂宜於近處更
建一塔以為砥柱且與崇文塔對照增峙文風焉功程
浩大驟難肇事蓋懸此以有待也不知幾易春秋矣夫
天地之大也人猶有所憾故覆載生成之偏雖天地亦
在其氣之自為結構而莫如何其所以補之救之彌縫
其缺者人力耳歲同治壬戌唐君義渠由鄂藩陞皖撫
兼提督軍門慨然以斯舉為己在郵寄邑諸君子倡議
建造眾亦踴躍從事遂擇地於邑西之羅漢石鳩工庀
材經始於甲子越丙寅告竣塔基周圍廿丈高一丈
凡七級捐廉金二萬有奇額曰培元焉按塔山記人言
塔頂時放光明遠望如火由斯言之培元之成於自然者
既含寶光塔之成於人力者足以培元氣也亦固其所
是塔也成一以鎖雙江口合流之水一以控白面石遠
峙之山氣至而滋息之地勢崇斯元氣固元氣固斯人
才興美哉其善之長乎異日者人文蔚起義渠百年樹
人之功是大有造於吾邑也其力亦偉矣哉是為記

同治常甯志

卷十二

坊塔

三

古蹟

吳新甯故城縣南三十里三崗口

新平故城縣北三

十五里白面山右地名古城

雍正縣志

衡郡文獻攷辨吳孫亮析耒陽西南地為新甯新平二
縣自應各立治所水經注云宜溪水出新甯縣西南新
平故城東則新甯治所在宜水東新平治所在宜水西
謹案白面山在宜水東雍正志謂新平故城在其右
者非衡湘稽古云縣北瀨湘有古城郭
相傳古湘山國城應是秦以前之蹟

隋新甯故城縣西四十里麻洲

雍正縣志

舊唐書地理志吳分耒陽立新甯舊治三洞神龍二年
移治麻洲開元九年治宜江
謹案據此則麻洲非隋
故城

唐常甯故城縣西北三里宜江嘉慶縣志

湖廣總志勝蹟舊縣在縣西北三里宋元時建碑址俱存謹案據此則縣西北三里非唐故城

宋獎中砦縣東南七十里銅盆嶺菱源銅冶在銅盆

嶺久廢雍正縣志

宋史地理志熙甯六年廢常甯縣獎中砦有菱源銀場

元巡檢司縣南三十里崖鷹砦遺址猶存雍正縣志

宋元舊學宮城南菱潭右

梓潼廟在西河下街左劉易雷三姓宅後康熙五十四年燬於火今已改建他處地亦出售

二賢祠即高明亭舊學宮後山祀程朱二夫子元大德

同治常甯志 卷十二 古跡 四

閒建雍正縣志

忠臣祠舊學宮明倫堂後祀元學正劉燾孫知府蔡汝

楠雍正縣志

敬一亭卓爾亭均在舊學宮後雍正縣志

雲程塔舊學宮前宜江西岸明萬厯閒建雍正縣志

襲王二先生讀書處城南里許宋賢襲夢錫王習隱讀

書於此即雙蹲書院地雍正縣志

鵝湖書院城西里許宋賢王習隱造士於此其南有塘

曰鵝湖清澄如鑑林木葱青飛鵝上下白鮮耀目因以

名其書院中祀紫陽南軒二先生遺址尙存雍正縣志

桃花書院城西桃花洲

雍正縣志

知縣張芳桃花書院會業序合於是邦聚是邦之士會之並其文選之錄之又從而為之序蓋事有一日之勤則不能舍置之矣物有懋時之親則不肯疏之矣今夫四子之書羣海內雋傑殫才盡智代為之言匪直一日之勤與懋時之親也著於心本屬於朋友其為之也必敬其得之也必蒞其往復磋切之也必嚴以慎晦明也亦匪直一日之勤與懋時之親矣以其前勤勸登後績吾何以益之哉子瞻之詩曰衝口出常言法度法前執人言非妙處妙處在於世無不知子瞻之妙於文者而子瞻直以為常言夫其常言者皆至妙所存亦孰為非常者哉畫家之工畫塑家之工塑非有法而可傳也意與巧會巧與詣會有以自効其能故排扇觀之而光動於遠邇花氣與月魄在有無閒而蓓蕾之豔環珠之光不能加焉其道全也萬物之變不可勝詰也變必有法法必有意而法前與意外嘗欲寬然其有餘洞於心瞭於目畫於手舒於四支其非四子之言其皆四子之言也平生之所勤且親者惟吾與諸子俱不能以語

同治常甯志

卷十二

古跡

五

人也惜其前勤以告其成事而已吾又何以益之哉

觀德亭儒林坊南明知縣謝廷舉建

嘉慶通志

學巖在菱潭東岸舊稱石榜知縣張芳易其名

雍正縣志

張芳遊學巖記出南門徑一里許為學官宮西南向前俯宜溪溪水合黃崗諸流輪於湘江夏秋易涸惟宮前四時淵淪舊稱菱潭土人又稱夫子潭潭東畔視學宮稍左如老雲百片炤水不夜如十丈蓮花柎末豐而本殺蛟螭之居深不可綆也按縣志菱潭石榜列八景之一予以今秋從學博王吳二君偕吾友正持吳子及諸生棹舟其下擬攝衣登之灌莽不可上摩抄石榜題識漫滅石皆青章白理與占木爭秀媚又得雜華蒙絡似翻堦紅藥惜舊時亭臺徒存遺址予與吳子延緣葦園選石命名舉酒刻韻謂二君曰茲潭也閱兵燹數十年而至今予為吏又五年而始有今遊相傳潭上左絃右歌風流文雅邑人十白為兒童時種樹釣魚以遨以嬉登於鄉校從其士大夫三揖百拜通名上國何其盛也今也歸然學宮之僅存其以春秋有事來者漠然徒見魚

川泳而鳥雲飛感歲月之如馳慨功名之不立其必有
長思而三嘆者矣嗚呼學海必至於海學山不至於山
九仞一簣昔人所訓也吾遊茲潭怪石傑立然上不敢
為峯壺似重有禮讓者噫近聖人之居俯仰退遜又可
尚矣舊稱石榜字訓未雅易名學巖以誌尊尚可乎二
君與吳子曰然遂記之而鐫其詩於石何處臨流好無
如頽壁東題名依石丈餘事託詩翁水曲青楓外天容
碧漪中多君能濟勝勁筆幾人同縣人崔瓚次韻疑是
補天石何來碧水東章逢思魯叟簞笠問江翁壑
舞孤舟外聲流斷岸中唱酬無俗侶選勝我從同

應龍池在城南為縣城過脈處同治八年邑董事護之

以垣

龍穴一名黑龍潭 嘉慶縣志

左思吳都賦龍穴內蒸雲雨所儲文選吳都賦註湘東
新平縣有龍穴穴中黑土天旱人以水沾土則暴雨應
之常以此請雨太平御覽天部祈雨類千寶搜神記湘
東新平縣有一穴穴中有黑土歲旱人則共壅水於此

同治常甯志

卷十二

古蹟

六

穴穴澆則立大雨水經注湘水篇宜水東岸山下有龍
穴宜水經其下天旱則壅水注之便有雨降衡郡文獻
攷辨水經注宜水東岸山下龍穴其山皆石玲瓏萬狀
今水名滑石灘祀龍於巖中俗稱龍王牌謹案宜水
所出有龍潭詳山水塔山記金石龍潭碑宜水所經有
龍穴見吳都賦搜神記水經註皆禱雨有驗者今則龍
穴獨著靈異但非壅水惟禱穴中
神像他處竊像以去禱之愈靈

阿育王塔縣南六十里詳山水塔山 雍正縣志

白羊塔縣西白羊寺側石筍屹立高數十尋頂有白羊

二沿古藤下入寺食瓜果僧覺之斷其藤遂不復見

銅鼓塘縣北憩山腰四時不涸水腥綠色魚亦綠色諸

葛武侯調督三壩時登憩山埤銅鼓於此 嘉慶縣志

湛公源在縣南明嘉靖閒湛若水返自南嶽道經此偶

思水源土人敬其德因稱湛公源云詳甘泉文集嘉慶縣志

一帝王廟縣北盟山黃帝舜南巡禹治水皆維舟登此

之人立廟祀之雍正縣志

三學士廟縣北新盟峯宋昇國公主棲真塔山慶歷間

遣三學士存問卒於此土人為之立祠歲時饗祭嘉慶縣志

元帝廟在縣東毘帽峯覆以鐵瓦每年二月廟中震電

交作俗云雷神掃殿雍正縣志同治元年廟災六年土人重

建豎石門中秋夕雷雨大作移其向

迎旭樓在春亭嶺明萬曆二十四年建每歲迎春於此

雍正縣志

同治常甯志

卷十二

古跡

七

仰廉樓在廉政橋北明萬曆十九年知縣陳勳建雍正縣志

青雲閣在下廊橋左廩生王祚昌建雍正縣志

禹石像縣北憩山禹治水憩此刻石像之嘉慶縣志

唐純憩山拜禹石像詩鍊就五色石女媧隻手將天補
天補地忽蒲洪水橫流汨天柱黃河咆哮龍門茫茫
江漢南紀渾馮夷傲睨天吳嘯巫支祈出龍蛇奔承帝
日各汝文命其刊山木奠大川北窮積石南岷嶓青兗
揚越足賦胼胝碑勒成作岫嶺玉書金簡藏名山美哉
禹功明德遠至今遺像畱孱顏我來空山肅拜謁如聞
吁咈松雲間惜無大廈與覆蓋古木交蔭藤蘿牽日月
觀象華蠱采烈風淫雨幾千載想是勞身致偏枯彷彿
視若營四海

禹鑿石

瀟湘聽雨錄常甯縣北宜江口兩岸石壁半屬鑿去出
湘口其石乃悉在江中方正成壘與岸石不異相傳為

禹鑿石

雙蹲石舊學官後兩石對峙如雙蹲

雍正縣志

甯波祝堃觀雙蹲石詩嶽山平演迤湘水曲旋繞其南有奧壤竹樹密竅窈修川左右紆禹憩鬱奔峭淥淨浣我塵近郭停征棹頗愧杜陵語佳處失領要講院在城南賞延楚登眺襲王讀書所千古孤月照屬望後來者珍重此鄉校岩石自雙蹲兀立挺荒崎石間有古柏撐柱相排暮山川信奇偉績學初可劬側聞嘉祐年刻石臨水微溪漲未即望自崖發長嘯

虎頭石縣西五里懸石丈餘下瞰宜江絕類虎頭

雍正縣志

李穎虎頭石記記虎頭石者紀勝也石似虎者所在多有此以虎頭稱形逼肖也名於吾族者居相近也名於他姓者從同而襲其稱也水曰虎溪溪緣石而名也石眠伏江岸脊可坐十餘人其首僅容一二人鱗岫峭削青苔碧蘚滑仄不容步臨其上者輒慄然目眩下瞰深淵澄黑無底好事者乘舟至崖下仰首望若張牙舞爪

同治常甯志

卷十二

古跡

八

撲人頭面下窺石罅大竅十餘有巨魚出沒往來不絕石沫濺衣襟觀者慄慄不能久留每當水石相激鏗然有聲如聞虎嘯風起浪湧竅穴皆鳴如聞虎吼或輕霧濛濛微雨滴滴恍若澤其皮毛又或月照石紋沙映石髮如見文之炳蔚舟人漁父經其下賦心怵目又若渡河而跳湖噫石亦靈怪矣哉夫石剛物也虎亦剛物也而臨江上得水之柔以相濟人生其間介然毅然而文明柔順其得於地氣之助者歟茲石也近之則一族之秀遠之則一鄉之秀一邑之秀也予家虎溪暇輒遊石上或乘小舟經其下盤桓不忍去因念茲石天或者以娛吾老也是又非一族一鄉一邑之所共而吾一人之所獨也勝蹟胥同而固自有異者在也

劉綸虎頭石詩鸞集雉馴未足奇宜江異政繫人思何年猛虎溪頭臥化石猶如欲渡時

馬蹟石縣西龍王寺前長闌數丈明羅洪先騎馬經此

雍正縣志

雷蹟焉寺中求常住心額亦羅遺筆
冥山斗馬蹟石誌古寺雷仙客鐘聲覺馬蹄蹟隨清浪碧人去白雲迷掃石苔盈埒尋香蝶滿波般勤題贈意

仔細認
端倪

棺材石縣北三十五里宜水中流昔衡山道士尸解於

金龍巖舟載棺運此棺躍入水化為石雍正縣志

石碌坑縣東上灣原出石碌明永樂閒官勘後石碌遂

絕雍正縣志

魯班枋城東湘山寺佛殿左盤龍柱上營造殿時主繩

墨匠手製枋頭雲樣不受采飾千餘年如新雍正縣志

瀟湘聽雨錄常甯湘山寺殿上木枋為公輸遺蹟至今不受采

自鳴鐘在湘山寺唐時古物重千餘斤縣有兵警輒先

數日鳴嘉慶通志叢談

同治常甯志

卷十二

口蹟

九

古柏四株舊學宮後山坡虬幹蒼翠上干雲霄為遊兵

所伐雍正縣志

段一鶚古柏詩曾聞遺愛藹巴封慚我金枝尚未濃誰向峯頭饒勁節蒼鱗冉冉欲成龍

古樟三株一湘山寺後一白衣庵後一曲潭橋頭皆高

百尺大數十圍枝葉婆娑其蔭數畝雍正縣志

仙人掌縣西三十五里青石聳立巖畔白紋一掌五指

如伸左手

浮洲縣北二十五里沙塘洞中俗名龜形劉伯奇先墳

在焉有樹數株時開異花洲高與田平春夏水漲田淹

而洲獨浮

自生石塔在湘江挂榜山下為麻洲過脈處孑然高聳
浮湘者十餘里外望若瓶然土人呼為石塔

湘子坪縣東二十里仙人韓湘遊此構臺柱跡猶存

金石

菱潭題名荔山隨抄菱潭宜水所匯也深黑無底潭之
上石壁斗立方廣丈餘上有張飛到此四字

大如盈不類俗手鐫刻世
傳桓侯經此以鎗畫之

雙蹲石刻雍正縣志古蹟舊學宮後奇石對峙如蹲踞
狀上鐫雙蹲二字結構遒勁類晉人筆意

湘山寺碑衡湘稽古湘山寺唐古碑記黃帝駐蹕於
此古為祠主祀湘山延漢四年改為寺

學巖題名瀟湘聽雨錄常甯縣城外雙蹲書院左為學
宮舊基面臨宜水際水有巖土名不雅馴康

熙開縣合張菊人芳易名曰學巖相傳巖穴深不可測
磨厓為宋人題名字大約五寸多漫滅可識者合

同治常甯志

卷十二

金石

十

□巡□□嘉祐三年□放舟同遊云云嘉慶通志

金石菱潭東岸石壁數仞題刻皆隸書隱隱可認者十
餘字如桓侯建安年游

等筆類唐宋人手書

阿育塔石刻段巘生塔山記阿育塔石刻載五代時有
宏通長老卓錫於此楚王殷三召不起賜

銅鐘一枚宋有尼真懿者道行高潔嘗賜紫衣真
宗女從之入山仁宗賜其塔曰淨相寺曰能仁

惠政碑湖廣總志勝蹟惠政碑宋建以李開合有惠政
立嘉慶通志金石宗室昭武侯開紹熙三年任

常甯縣居官五年寬
厚愛民民勒石頌德

襲蓋卿撰文常甯自數十年來令之得遂始終者蓋
不多見矧戊戌燬燼之餘更代尤為不常或半載而去

或數月而去獄濫而不知決年凶而不知救民將安賴
自昭武侯來宰是邦聽獄甚寬惜民甚切人無桎梏之

虐吏絕舞文之奸消一時爭競之習還三代禮儀之風
百里之民咸樂其政果誰之安耶自春徂夏人以艱食

為病侯夙夜不遑加意賑給仁恩浸孚此又惠政之大
也歷五載之久始終如一如侯者甯多見耶是誠不可

不記也侯名閑字誠夫時
慶元二禩七月初吉書

謹案碑文有官爵名字無姓雍正縣志秩官謂宗室例
不書姓嘉慶通志職官名宦皆直稱趙閑攷宋史宗室
世系表無昭武侯且皆二字名以一字別昭穆無單名
閑者總志稱李閑似可據也茲於秩官循良從通志稱

趙閑而附
辨於此

塑像碑 在漿田巖內高三尺五寸闊一尺九寸十六行
楷書額題眾緣塑功德記末書清祐八年正月

吉日蓋記塑佛像
及施錢姓名也

廉政橋碑 在縣城西門外廉政橋東列肆中高丈一尺
三寸闊四尺七寸大石龜趺楷書篆額常甯

州新甯廉
政橋

進士宗道傳撰文 晉神禹平水土經啟分畫而後九
州之士以定荆及衡陽惟荆州江漢朝宗於海水道原
委攷諸經可見已宜江之源分而復合順流百有餘里
貫闌闐之中又七十里鑿石為九曲達其流於湘江常

同治常甯志

卷十二

金石

十一

甯據荆衡上游茲水其神禹之遺蹟歟矧郡居四陽之
中距城之南塔山秀峙載稽藏典昔阿育王建釋迦真
身舍利白玉淨相寶塔其在南贍部洲者十有九此其
第九也金沙布地百里五龍環衛百禽遐逐下瞰靈湫
清激甘冽八功德水不是過焉郡城之西乃車馬往來
之衝宋清祐甲辰嘗梁其上以濟至元丙子半毀於兵
積有歲月過者踈踏覆壓是懼達魯花赤金剛奴敦武
河西甯夏人也皇慶癸丑夏欽受宣命來守是邦始議
撤而新之首捐己粟百石以倡公遂單騎伐石度材不
憚險遠深山窮谷巨木堅石非人力可致者公為具械
與舟未踰月畢集江澗工償倍直人力樂効助橋之墩疊
石於淵為趾釀水為六道梁空以行廣三百尺墩之培
廣者名桃花洲巖巖中流上建寶閣觀音大士現金色
身晏坐其中莊嚴殊異橋屋兩翼列工商之肆五十有
六異貨駢集貿易分錯丹青劖劖駭目動心工興首捐
以粟次率同寅富室聞風樂施恐後又取田毛肆租之
歲入建庵橋側請比邱普覺居之復以己財置四大部
經俾其徒日夕誦之為聖天子萬壽祝釐木公丞相聞
而喜之施長明燈此吾使君為橋之大畧也至於蒞官
以勤行事以恕創義倉以活饑葺翼舍以立教平糶量

以一法均和買以示公墾逃業以裕貧蠲詭輸以燕
戶口增政刑簡稅糧自槩園土屢空此又吾使君善
良法也適部使者至名其橋曰廉政且俾官圖上之京
都此州自入職方實為星古班大王之胙土王降旨護
持且命昭文館大學士榮祿大夫李溥光大書其額以
寵之使者歸以語予記或疑廉政之名於橋為不類予
曰廉政之說有二有廉能之廉有廉察之廉使君不數
月之間能復興數十年之廢遺以壯千里之形是非廉
能能如是乎非使者之公明亦安能表使君廉政之蹟
乎二者蓋交盡其美矣其可無辭以記乃述願末俾歸
刻之庶斯閣斯橋與是州江山相為無窮以無
忘使君之德若捐鏹助役姓名則具於碑陰云
謹案是碑屢燹字盡泐惟下方火所未至有沙布二字
石非人力可五字培廣者名桃華六字洞心二字猶可
識而桃華康熙雍正嘉慶三志皆作桃華六字洞心
三志皆作動心傳寫殊也今據三志備錄之

塔山龍潭碑 在能仁寺高三尺二寸闊一尺六寸十九
今案搨本篆額實塔山龍潭後記六

字蓋後次禱雨立也文照搨本備錄

同治常甯志

卷十二

金石

三

佛以慈悲設教欲同親疎於一體者即民吾同胞
吾儒所不道然水旱疾疫有禱必濟眾乃其為善之過
無助宜江淨相淨屠天上人閒實居第九阿育王所以
運大法力振大神通佈大津梁維持佛教於無窮其塔
峻立峭峙屹屹欲墜若似天而下者非神造鬼設何以
至此其下則靈湫黝然神物臥護且能興雲雨利萬物
有功於民甚大由唐迄宋事迹彰著穹珉巨筆昭揭備
在迨至聖朝風雨時而民物阜若无資於塔者故未有
信奉崇獎之如昔也延祐四年夏不幸數百里之旱郡
侯牛公奉議乃進者老而諭之曰古者諸侯祭名山大
川之在其地者凡以爲民也吾欽承天子之命以牧爾
民而旱勢若此將何所於禱以甦吾民乎眾咸拱手以
對曰塔山之靈其應如響我侯誠能秉至誠而祈焉則
豈惟吾民之幸亦可顯塔靈於久遠也於是齊沐虔誠
同千戶張顯忠忠翊命廣惠禪寺高僧智甯往同塔山
能仁寺長老嗣經致禱於塔請神水於龍湫以回濃雲
霽霽隨水而至甘霖沛然三日不止歲乃大熟明年又
旱公偕達魯花赤愛也禮丁奉議同知蔣伯岳吾台徽
事吏目趙傑再請於塔益虔響應愈疾枯苗勃興旱不

為災宜民咸嘉郡侯之精誠能格於神郡侯又德澤居
之靈能甦於民輔治之道於佛氏之教信矣文學掾羅
仲驥遂書以為塔山後記 延祐六年己未七月 日
住持嗣經立石 吏目趙傑 將仕郎州判何元同承
務郎同知史璋篆蓋忠翊校尉同知金昔里吉思 奉
議大夫知州牛良佐奉議大夫達魯花赤愛也祖丁
長沙周
雲昇鑄

何族南巖碑

在聚田巖內高三尺闊一尺七寸二十二
稱漿田巖何氏記今案揭本篆額及首行標題

實常甯州何族南巖記八字文照揭本備錄
賜同進士出身將仕郎常甯州判官盧江何元同撰書
何氏之先出於韓韓何音相近子孫散處江淮間者別
族何氏何氏丹徒瑯琊廬江三望廬江最著漢晉以來
史傳可見已吾先租沿廬江徙大江以西唐末來湖南
家于瀏之水南今土著矣嘗攷吾家譜方初祖兄弟行
四方約曰此去遠遊未歸逢水而止遇南而住俾子孫
以後無相忘故今所至往往有何族而南居者必吾宗
也余以延祐戊午叨奉常末第來佐常甯庚申月上之

同治常甯志

卷十二

金石

三

辰致祭塔山南過漿田何氏列屋魚鱗桑陰雞犬老人
大父古衣冠出揖客子弟敬恭執侍詢其世派廬江也
余敢忘先盟耶於是進耆耄訪遺牒則兵燹之餘無可
攷者又進其子若弟與戒以吾所知焉夫力田讀書吾
何氏家法也家之興替何常惟世其德者式克永世自
吾先世攜耒耜力畊桑以有家至於今此以吾鄉言之
三四百年間馬醫洗削起家公侯者閱幾人矣今亦有
存者乎就有存者且降阜隸矣萬不必復如其舊徒使
人悲傷感歎於垣墉堂構之負荷豈後來之罪哉抑久
矣其已矣今吾儕小人不種而獲可不知所自耶積之
冥冥者有永則報之甚母荒墜迺祖之訓哉自耕田鑿井俾
思所以益永之甚母荒墜迺祖之訓哉自耕田鑿井俾
事俯育交修其孝悌忠信以為一鄉一國天下之善士
外此皆不足為吾宗道也漿田右有巖巖幽奇宋慶歷
中有尼真慧師居之常賜紫衣歲時里社至今請雲處
焉余嘗至其處宋有名邦維者為若長以捍邊獠有功
受大閩檄官承節郎所立碑篆猶存余官滿代去其嗣
孫大慶等求余記之余以同姓之好不敢辭也銘曰常
甯有山聯絡九嶷雲行霄立種靈薈奇彼何侯姓曰侯
事舜昇仙有祠無徵不信受姓在後古實無之曰我南

宗表表分枝湖流東南石刻在茲尙念我
祖悠悠去思至治二年壬戌正月辛卯

儒籍碑

知州黃常撰文 儒者之業所以講先聖之道明人倫
之紀其於治國之體化民成俗非小補也故士居四民
之首非有農工商賈之勞而其道甚尊聖元肇興世祖
皇帝混一疆宇崇儒重道為政治之本凡業儒之家悉
蠲其役中統至元之治憲章具有元統二年三月德音
飛下所以尊崇學校進賢待士之禮甚至仍俾業於儒
者蠲其差徭遵祖制也州序舊有儒籍歲久簡編蠹蝕
莫得而致於是覈實其故家暨後之俊秀者列其姓名
一新其籍復鑲之堅砥為不朽計碑成進多士而告之
日諸生蒙聖天子莫大之惠符自異於編民復其身以
及其家所以使之以逸其心以習其業也其將何以報
耶其必日誦其詩讀其書切磋琢磨明夫修己治人之
方無負國家作養人才之意其亦庶乎其可也予故哀
其姓名而刻諸石俾來遊來歌之士視此得以自警焉
元統三年乙亥三月望日

同治常甯志

卷十二

金石

古

百戶銅印 萬歷縣志明千戶方政修城於北門外土中
得方銅印洗之乃蒙古篆文背刻云管軍上
百戶印 元統二年四月
月□日中書禮部造

名墓

宋國子監司成龔蓋卿墓城南雙蹲書院後山 嘉慶通志

學士王居仁墓縣南三十里八字坪 嘉慶通志 道光
二十八年近處人

士斃石立碑
春秋祭掃

明知府韓廣墓縣西三十里大東山 嘉慶通志

武畧將軍白圭墓縣北三十里板橋石斃有碑 嘉慶通志

武畧將軍鄧勳墓縣南二里山形如鳳有碑 嘉慶通志

武德將軍呂讓墓縣西七里猿木山有碑 嘉慶通志

昭信校尉張得墓縣東曲潭橋北有碑嘉慶通志

武畧將軍胡綱墓縣西十里胡塘嘉慶通志

武畧將軍方政墓縣西蜈蚣山

武畧將軍王書墓縣北玉水鋪嘉慶縣志

武畧將軍鄧堂墓縣北烏髭山有碑

武畧將軍崔選墓縣南大塘

中城兵馬司阮志道墓縣西三十五里嘉慶通志

鄉賢聶廷鳳墓在縣東嘉慶縣志

國朝總兵劉用楚墓縣北三十里黃石嶺雍正縣志

昭勇將軍劉用亮墓縣北絞車嶺虎形雍正縣志

同治常甯志 卷十二 各墓 五

江南京口總兵陞福建提督劉選勝墓縣北蓬塘雍正縣志

孝子陳國寶墓縣西十五里江家洞嘉慶縣志

王萬澍撰墓表自陳天秉之徙蜀孝子無人守坵墓焉澍讀曾祖卜園先生遺文傳孝子事甚詳求孝子之葬地故老指憩蕘小舍右山壘然荒域矣悲夫衰草離離冷露淒淒罔象出沒狐狸嘯啼芻牧亂蹤羊牛散蹄此胡以嚴前烈象幽光萬澍固有鄉里之誼矣孝子名國寶母羅氏順治丁亥常甯饑茹草木活以乳國寶老而病嚕雜嘔逆引兩乳痛發輒欲死死而甦甦復死輾轉呼號於牀禱孝子生二十五年而母病劇遍求醫術道逢老翁秘授方藥歸而立壇臺致齋戒禱拜七日於康熙十一年四月初八夜割雙乳進藥夫孝子之心豈不以爲苟割而遂死則不孝滋重顧吾業知有愈病之方甯更遲疑借不敢毀傷滅絕以自恕若親被火則身被其炙也親被寇則身蔽其戈也親被罪則身贖其刑也會此身未至於必死猶忍安視吾親無異夫受炙受戈受刑而莫爲之分痛也至轉付其身委救於冥冥不可知之氣數孝子之居心正苦爾無可恃惟恃此區區之

誠感於神明而已及母病立瘳而孝子無恙隣里爲之
舉孝子讓曰此何與人事嗚呼孝子固非爲名也已當
時論者不按事實持以往昔之例俾不得受朝廷褒
恩然大中丞以下一時士大夫都人求一識孝子面起
敬焉才及七八十年隣里後生不得故老指示則未知
其墓所或過之弗爲致肅雖孝子之精爽靈魂埋藏茲
山土翹木夔爲之呵庇不致傷於鋤犁獨使尙友之士
弔其遺蹤杳不可得是用增悲也萬樹與同里好義士
某鐫石表之以敬示後人使知有陳孝子也

廩生尹覺先墓縣西二十里四應山

冥觀光重修尹公祠墓並置祭田記士君子安貧樂道
不得志於時而天不獨厄其才且厄其命悲矣不獨厄
一命且厄一門之命尤可悲厄一門之命並不容緩之
四三年五六年直促諸匝月之內尤大可悲吾不解造
化小兒其降割於斯文何慘酷若此蓋觀益盟尹先生
而愀然於天心之不仁也先生國初人世居洞府冲諱
覺先厥兄知先一鄉貢一廩生小阮就湯亦諸生鳴於
時門以內彬彬如也覺先晚好佛於宅後構四應庵摘

同治常甯志

卷十二

名墓

六

田山供佛與方外者遊蓋安貧樂道隱君子也居無何
疫染閣門匝月告凶老幼七口悄然無跡天之厄之慘
矣酷矣悲何如之所幸者尹絕矣庵猶存存庵可以存
尹余伯祖慕韓公乃謂庵以供佛非供尹是不可無祠
爰倡眾創建以棲若敖之靈今百年矣勢將圯余謀諸
周君朝彥族子永常因是庵餘息公同生放益以捐貲
鳩工庀材闢其基而廣之宏其宇而大之額曰尹公祠
且表其墓五閭月告成復以餘貲置祭田若干畝或亦
可以慰尹公之靈也歟嗟乎由前言之天之所以厄尹
者何其忍由後觀之入之所以敬慕維持抑何相續而
起蓋是庵之遂爲興敗也屢矣孽徒毀碑幾敗旁僧竊
據幾敗風霜剝蝕幾屢敗余高曾祖父偕鄉先生復之
興之且疊修之今余心先人之心又一世焉非佞佛也
爲存尹也余因之有感矣嘗見世家閱赫赫一時不
數傳而子孫飄零廬墓圯墟至於餒一門之鬼者何可
勝道以視尹氏一門經二百餘年死猶生一門之鬼孰
愈耶倘繼此有能心余等之心維持勿替雖血食千
秋可也天卽厄之如人力何爰勒諸貞珉以示來許

劉本贍妻黃氏夫婦合墓縣西南塘有碑齋連

劉門謝夫人墓縣西關外煙堆嶺有碑子連濟

劉興芳墓縣西關外煙堆嶺有碑姪連濟

義冢明萬歷三十九年推官署縣事李汝登以枯骨暴露鬻四關外荒地瘞之有碑

官塘冲義冢地城東二里同治八年縣丞李澤文同弟

候補知縣澤芳捐計長九十弓闊一百二十五弓有界碑